

## **Ilinniartitsisussanik ilinniartitsineq siammartitaq pillugu Namminersornerullutik Oqartussat nalunaarutaat nr. 8, 24. april 2003-meersoq Atuussimasoq (Historisk)**

Meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi 2. maj 1996-imeersumi § 10, imm. 2, §14, imm. 5 aamma § 16, Inatsisartut peqqussutaatigut nr. 2-kkut 31. maj 2001-imeersukkut allannguuteqartinneqartut tunngavigalugit aalajangersarneqarpoq:

### **Kapitali 1.**

#### **Ilinniarnep imaa**

##### *Ilinniarnep aaqqissuussaanera*

**§ 1.** Ilinniarnep ukiunik sisamanik affarmillu sivisussusiligaavoq semesterinilu qulingiluaani ingerlanneqartassalluni.

Imm 2. Ukiut ilinniarfiusut siulliit marluk affarlu Kalaallit Nunaanni meeqqat atuarfianni timelærerit sulinertut, aammalu nammineq ilinniarnertut, ataatsimoorussilluni ingerlassaqar-fittut, pikkorissarfisigut kiisalu suliffimmik misiliinikkut aaqqissuunneqarpoq.

Imm. 3. Ukiut marluk affarlu ilinniarnep kingornatigut ilinniartoq ilinniartitsisussanik ilinniartitsinermi katersuutsitami ilinniakkani nangissanerlugit aalajangersinnaavoq.

Imm. 4. Ukioq ilinniarfik kingulleq ilinniartitsinermi katersuutsitami ingerlanneqassaaq.

**§ 2.** Atuartitsissutinik annerusumik sammisassanik (liniefag), atuartitsissutinik toqqagassanik aammalu atuartitsissutinik neqeroorutigineqarsinnaasunik pilersitsinissami piumasarineqarpoq ilinniartut ikinnerpaamik tallimat nalunaarsimanissaat, taamaattorli immikkut pisoqartillugu rektorip tamanna immikkut akuersissutigisinnaavaa.

#### **Ilinniarnermi ilinniagassat aaqqissuussaanerat**

**§ 3.** Rektorip ilinniagassat aaqqissuunnerata minnerpaamik makkuninnga imaqtartussap sularinissaa qulakkiissavaa

1) atuartitsissutit ataasiakkaat, pikkorissarnerit, ullut suliffimmik misiliivissat, naammassiniagaqarluni suliassat kiisalu allattariarsorluni suliassat tunniutassat, nalunaarusiat immikkullu sammisat (speciale) imassaannik soraarummeerutissartaannullu ilitersuutinik kiisalu tamakkua ilinniarnep ingerlanerani qanoq inissinneqarnerinik,

2) soraarummeernermi allattariarsorluni suliassat, nalunaarusiat immikkullu sammisat tunniunneqartarnissaat pillugu maleruagassanik, tamatumunnga ilanngullugu ilinniartut ataasiakkaarlutik suleqatigiikkuutaarlutilluunniit tunniussisassanersut,

- 3) ilinniarnepup ingerlanerani misilitsittarnissat allaaserinerannik kiisalu tamakkua ilinniarnepup ingerlanerani qanoq inissinneqarnerinik,
- 4) misilitsinnerit qanoq iluseqartarnerisa allaaserinerannik,
- 5) takussutissamik misilitsinnerni suni karakteriliisoqartarneranut, aamma misilitsinnerni suni naliliisoqartarnerisooq "angusivoq", "angusinngilaq", imaluunniit "akuerineqarpoq" "akuerineqanngilaq" atorlugit naliliisoqartarnerisooq,
- 6) "angusivoq"/"angusinngilaq" aamma "akuerineqarpoq"/"akuerineqanngilaq" atorlugit nali-liinerni pissutaasunut ilaasartunik, ilanngullugit tamakkuninnga naliliissagaanni piumasaqaatit erseqqinnerusut,
- 7) iliuutsit suut suliffimmi misiliinermik naliliinissami suliffimmi misiliffiusumut ingerlasussat erseqqissarnerat.
- 8) napparsimalluni soraarummeertarnissat misilitsiqqittarnissaallu pillugit maleruagassanik
- 9) atuaqatigiit ilinniartut nalunaarsimasut qassiuneri tunngavigalugit avinneqartarnissat kattunneqartarnissaallu pillugit maleruagassanik, aamma
- 10) ilinniakkanik aallussinermut malittarisassat, kiisalu ilinniagaqartut ilinniagaqarfinit atuarunnaarsinneqartarnissaannut piumasaqaatit

Imm. 2. Ilinniarnepup aaqqissuunna Ilinniartissuup ilinniarnepup aaqqissuunnerani aalajangersakkanit immikkut akuersissuteqarfigineqarnissaanut inatsisitigut tunngavigineqartunik imaqarsinnaavoq.

Imm. 3. Ilinniarnepup aaqqissuunna Ilinniartitaanermut Pisortaqarfimmit akuersissutigineqassaaq.

Imm. 4. Ilinniagassat aaqqissuussaananerit taakkualu allannguutaat pingaarnepusut ukiup ilinniartissuup aallartinnerani atortuulertassapput.

Qulliunepusumut ingerlaqqinneq aamma ilinniarnepup unitsitamik nangitseqqinneq

**§ 4.** Semesterip tullianut ingerlaqqinnissaq taamaallaat pisinnaavoq ilinniakkanik aallussineq rektorimit akuerineqarsimappat.

Imm. 2. Ukiup aappaanut ingerlaqqissagaanni piumasarineqarportaaq misilitsinnermi, pin-ngortitanut tunngasunut mernguernartunullu "angusivoq" naliliunneqarsimappat, tak. § 40, imm. 1, nr. 3 aamma nr. 6.

Imm. 3. Suliffimmik misiliinernit angusiffigineqarsimassapput ilinniagaqartoq ilinniarnepup sinnerani peqataasinnaassappat, tak. § 44.

## **Kapitali 2.**

Atuartitsissutit aaqqissuussaananerit

**§ 5.** Atuartitsissutini pinngitsoorani ilinniartariaqartuni fagini ataasiakkaani nal. ak. atuartitsiviusut imatut agguataarneqarput:

- |   |               |
|---|---------------|
| 1) Atuartitsissutit perorsaananermut tunngasut, | nal. ak. atu. |
| immikkut sammisaq ilanngullugu                  | 560.          |

2) Kalaallit oqaasii, ataatsimoorussassaq	nal. ak. atu. 280.
3) Pinngortitalerinermet tunngasut	nal. ak. atu. 56.
4) Ilinniartitsissutit paasissutissiiviusut	nal. ak. atu. 224.
5) Kristumiussuseq	nal. ak. atu. 56.
6) Mernguernartut I	nal. ak. atu. 112.

Imm. 2. Atuartitsissutit toqqagassat danskit oqaasii, tuluit oqaasii aamma kisitsineq /matematik neqeroorutigineqassapput atuartitsissutini tamani nal. ak. atuartitsiviusut 224-nngorlugit. Atuartitsissutit toqqagassat ilusilersuineq, illumi suliassat, assassorneq/ammerineq, timersorneq, erinarsorneq/nipilersorneq aamma qisunnik sananeq neqeroorutigineqassapput atuartitsissutini tamani nal. ak. atuartitsiviusut immikkut 168-inngorlugit. Atuartitsissut toqqagassaq fysik/kemii neqeroorutigineqassaaq nal. ak. atuartitsiviusut 112-inngorlugit.

Imm. 3. Atuartitsissutit annerusumik sammisassat neqeroorutigineqassapput atuartitsissutini tamani nal. ak. atuartitsiviusut immikkut 280-inngorlugit.

Imm. 4. Atuartitsissutit neqeroorutigineqarsinnaasut neqeroorutigineqassapput atuartitsissutini tamani nal. ak. atuartitsiviusut immikkut 56-inngorlugit.

Imm. 5. Semesterini tallimani siullerni atuarfimmi suliffimmik misiliineq aaqqissuunneqassaaq semesterini tamani nal. ak. atuartitsiviusut katillugit 40-nngorlugit sapaatit akunnerisa arfineq-pingasut ingerlaneranni sap. akunneranut katillugit nal. ak. atuartitsiviusut tallimanngorlugit. Semesterit arfernanni arfineq-aappaannilu atuarfimmi suliffimmik misiliineq aaqqissuunneqassaaq semesterini tamani nal. ak. atuartitsiviusut 30-nngorlugit, sap. akunnerisa arfinillit ingerlaneranni sap. akunneranut nal. ak. atuartitsiviusut tallimanngorlugit. Ilinniartup qitiusumik ilinniartitaanermi ilinniarnini nangeqqikkuniuk, tak. § 1, imm. 3-4, piffissat suliffimmik misiliiffiusut ilinniartitsisussanik ilinniartitsineq katersuutsitaq pillugu nalunaarut naapertorlugu aaqqissuunneqassapput.

Imm. 6. Timelærerit sulinermi ukiumut atuarfiusumut ataatsimut akunnerit namminersuutigalugu atuartitsiviusussat 320 - 480-iupput.

Imm. 7. Nal. ak. atuartitsiviusoq ataaseq tassaavoq minutsini 45-ni atuartitsivik.

Imm. 8. Naalakkersuisut misiliinermet atatillugu aalajangerput atuartitsissutit pinngortitalerinermet tunngasut atuartitsissutissatut pinngitsoorani ilinniartariaqartutut inissinneqassasut aammalu timersorneq kiisalu fysik/kemilu atuartitsissutissatut toqqagassatut inissinneqassasut, tak. Meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni § 17.

Imm. 9. Ilinniartitaanermut Pisortaqarfik immikkut pisoqartillugu imm. 1-6-imi aalajangersakkanit immikkut akuersissuteqarsinnaavoq.

**§ 6.** Ilinniartitsissut toqqagassaq aamma ilinniartitsissut annerusumik sammisassaq taakkuninnga atuartitsilernissaq sioqqullugu ilinniartumit toqqarneqassapput. Atuartitsissutinik allanngortitsisoqassappat tamanna pissaaq atuartitsinerup aallartinnerata kingornagut kingusinnerpaamik

sap. akunneri sisamat qaangiutsinnagit.

Imm. 2. Atuartitsissutit neqeroorutigineqarsinnaasut atuartitsissutini taakkuninnga atuartitsinissat aallartinnissat sioqqullugu toqqarneqassapput.

§ 7. Rektorip, immikkut pisoqartillugu, ilinniartuq atuartitsissutini § 5-imi taaneqartuni ataatsimi arlalinniluunniit atuartitaanngitsoortissinnaavaa.

§ 8. Atuartitsissutini annerusumik sammisassanik kalaallit oqaasiinik, danskit oqaasiinik, tuluit oqaasiinik, kisitsinermik/matematikkimik aamma fysik/kemimik ilinniartussatut tiguneqarnissamut piumasarineqarpoq atuartitsissutini taaneqartuni kingullermik atuarfigisami semesterit tallimaanni minnerpaamik 6-imik karakteereqarsimanissaq.

### **Kapitali 3.**

Atuartitsissutit ataasiakkaat siunertaat

Atuartitsissutit pinngitsoorani ilinniartariaqartut

§ 9. Atuartitsissutit perorsaannermut/ilinniartitsinermut tunngasut siunertaraat ilinniartut atuartitsissummik suliaqarnermini inuttut ineriartornerannik siuarsaanissaq, ilinniartullu ilisimasaqalernissat aamma paasisimasaqarnerujartorlutillu piginnaanngoriartornerunissat:

- 1) perorsaanermi/ilinniartitsinermi tarnillu pissusiinik ilisimaqqaagassanik (teorier) atuinissamut,
- 2) ilinniartitsisutut sulinerimik, sulinerim atugarisanik aamma ilinniarnepur ingerlanerani avataanilu periarfissanik paasiniaanissamut nalilersuisarnissamullu,
- 3) ilaqtariinnermi, atuarfimmil inuiaqatigiinnilu pissutsit allanngorarneranni meeqqanik inuusuttunillu atuartitsinermik allaaserinninnissamut, pilersaarusiortarnissamut, aaqqissuisarnissamut aamma nalilersuisarnissamut,
- 4) ilinniartitaaneq perorsaanerlu pillugit apeqqutinut tunngavilimmik isummertarnissamut,
- 5) atuartumut atuaqatigiinnullu siunertalimmik ilitsersuisarnissamut,
- 6) atuaqatigiinnik, suleqatinik, angajoqqaanik, atuarfimmik isumagininnermilu oqartussaasunik suleqateqartarnissamut aamma
- 7) perorsaanermik, atuartitsinermik ilinniartitaanermillu ineriartortitsinermut nutaanngorsaanernullu ikiuunnissamut.

Imm. 2. Ukiut ilinniarfiusut naggataanni perorsaanikkut immikkut sammisamik ilinniagaqartut suliaqartinneqassapput. Immikkut sammisakkut tassuuna siunertarineqarpoq ilinniagaqartut immikkut sammisamik namminersorlutik suliaqarnermik aqutugalugu ilinniartitaanerup perorsaanikkut, tarnip pissusiinut inooqatigiinnermullu tunngasutigut imarisai pillugit itinerusumik paasisimasaqalernissat, atuartitsinermi sulinermilu periaatsinut suliamillu misiliinermut ataqatigiissaagaasunik.

§ 10. Kalaallit oqaasiinik ataatsimoorutassanik meeqqat atuarfianni ilinniartitsinermi siunertaavoq ilinniartut ilinniarnepur ingerlanerani pinngitsoorani peqataaffigisassami atuartitsinissamut pikkorissarnissat makkununga pisinnaalernermikkut:

- 1) Saqqummiisinaanermik allaatiginnittarnermillu sungiusarnikkut atuartitsissummik ilinniartitsinermi

periaatsinut allanngorartunut.

- 2) Oqaasertanik allanngorartunik paasiniaasarnikkut misissuinikkullu allanneqaqqaarfiinik nutsikkanillu paasinninnissamut.
- 3) Atuakkatigut oqaatsinillu atuinermut sungiusarnikkut oqaatsit qanoq katitigaallutillu atorneqartarnerannik ilisimasaqarlualerermut.
- 4) Oqaatsinik ilisimasaqalernissamut taamalu paasisaqarnissamut atuartitsissutip atuarfimmi inuiaqatigiinnilu immikkut ittumik inissisimaneranut.
- 5) Atuartitsissutip ilitsoqqussaralugu oqaatsit allallu oqaasii atorlugit ilinniartitsinissamut pisinnaassuseqalernermut.
- 6) Atuartitsissummik ilinniartitsinermi iluaqusersuutinik ilisimasaqalernermut.
- 7) Atuartitsissutip atuartitsissutiginerani periaasissanik paasisimasaqalernermut.

**§ 11.** Atuartitsissutinik pinngortitalerinerermut tunngasunik ilinniartitsinermi siunertaavoq ilinniartut uumasulerinermik, nunalerutinik, fysikimik kemiimillu tunngaveqartumik ilinniartitaanikkut:

- 1) Pinngortitamut nalinginnaasumik paasinninnissamut ilisimasatigut pikkorissutsikkullu tunngavissaqalersinniarnissaat.
- 2) Pinngortitaaq pillugu isummanik assigiinngitsunik paasisimasaqalersinniarnissaat.
- 3) Pinngortitami uumasumi uumaatsumilu nukiit, allanngoriartarnerit, sananeqaatit nunarsuullu ukiup ingerlanerani allanngorarnerisa imminnut ataqatigiinnerannik paasisimasaqalersinnissaat.
- 4) Pisuussutit, teknikip, nioqqutissiornerup avatangiisillu, tamakkununga ilanngullugit soqutigisat assigiinngitsut pinngortitap inuiaqatigiillu ineriartornerannut atasut, imminnut ataqatigiinnerannik paasisimasaqalersinnissaat.
- 5) Pinngortitamik laboratoriani atuartitsissutit periaasiinik ikiuutissaannillu atuinikkut misissuinermut pikkorissarnissaat.

**§ 12.** Atuartitsissutini paasisutissiiviusuni siunertarineqarpoq ilinniartut uumassusilerinermik, nunalerutinik, nalerput pillugu ilisimasassanik nassuiaanermik oqaluttuarisaanermillu tunngaveqartumik ilinniartitaanikkut meeqqat atuarfianni ilinniarterup ingerlanerani pinngit-soorani peqataaffigisassami atuartitsinissamut pikkorissarnissaat

- 1) Pinngortitanut, inunnut tunngasunut aamma inuiaqatigiinnut tunngasutigut oqaluuserisassatut toqqakkat oqaluuserineqartarnissaanni atuarsimanikkut tunngavissaqalernissamut piginnaangornissamullu.
- 2) Atuartitsissutinik tamakkuninnga atuartitsissutinillu allanik atuartitsinermi atortussanut tamakkualu qanoq atornissaannut.
- 3) Atuartitsissutini aalajangersimasuni atuartitsinermi periaatsinik paasisimasaqalernissamut atuartitsinerullu aqqissuunnissaanut ingerlanneqarneranullu tunngavissaqarlualernissamut.

**§ 13.** Kristumiussutsimik atuartitsissummi siunertarineqarpoq ilinniartut meeqqat atuarfianni atuarnerup ingerlanerani pinngitsoorani peqataaffigisassami atuartitsinissamut pikkorissarnissaat:

- 1) Testamentitoqqamut pingaartumillu Testamentitaamut tunngasunik oqaluuserisassatut toq-qakkat oqaluuserineqartarnissaanni atuarsimanikkut tunngavissaqalernissamut piginnaan-ngornissamullu.
- 2) Atuartitsissutit taakkua imminut ilisarilersitsisinnaanerannik paasinninnissamut kiisalu atuartitsissutit taakkua kulturikkut inuiaqatigiinnermullu pingaarutaannik ilisimasaqalernissamut.

3) Atuartitsissutip atuartitsissutiginnisaanut atortussanik atuartitsissutigineranilu periaatsinik kiisalu atuartitsissutitut tunngasutigut periaaseqarnikkullu ilisimalluagassanik ilisimasaqalernissamut.

§ 14. Mernguernartut I-imik atuartitsissummi siunertarineqarpoq ilinniartut ilusilersuineramik, timersornermik, nipilersornermik, assassornermik aamma/imaluunniit qisunnik sananermik suliaqarneq aallaavigalugit

- 1) Kusanartuliornermut tunngasunik paasisimasaqalernissaat.
- 2) Meeqqat atuarfianni atuartitsissutitik allanik atuartitsinermit suleriaatsinik pilersitsissutaasinnaasunik atuinissamut pikkorissunngornissaat.
- 3) Isiginnaagassianik (pissanganarsakkanik) suliaqartarnissamut tunngavissaqalersinnissaat.
- 4) Ilinniarnermi ingerlatassat ilaattut assassornikkut eqqumiitsuliornikkullu suliaqarsinnaanermut meeqqap pisariaqartitaanik paasisimasaqalersinnissaat.

#### Atuartitsissutit qinigassat

§ 15. Dansk it oqaasiinik atuartitsissummi siunertarineqarpoq ilinniartut ilinniarnepup ingerlanerani meeqqat atuarfianni pinngitsoorani peqataaffigissassami atuartitsinissamut pikkorissarnissaat makkununga:

- 1) Dansk it oqaasiinik oqalunnermi allannermilu atorneqartunik paasinnilluarsinnaalernissamut namminerlu oqaatsinik taakkuninnga ajunngitsumik oqalussinnaalernissaannut allassinnaalernissaannullu.
- 2) Dansk it oqaasiinik kiisalu danskisut naqitanik naqitaanngitsunillu oqaasilerisinnaalernissamut naliliisinnaalernissamullu.
- 3) Atuartitsissutip suleriaasiinut ilinniagassartaasigut atuartitsissutigeriarnissaannilu eqqarsaatigilluagassartaanut paasisimasaqalernissamut.

§ 16. Tulu it oqaasiinik atuartitsissummi siunertarineqarpoq ilinniartut ilinniarnepup ingerlanerani meeqqat atuarfianni pinngitsoorani peqataaffigissassami atuartitsinissamut pikkorissarnissaat makkununga:

- 1) Tulu it oqaasiinik oqalunnermi allannermilu atorneqartunik paasinnilluarsinnaalernissamut namminerlu oqaatsinik taakkuninnga ajunngitsumik oqalussinnaalernissaannut allassinnaalernissaannullu.
- 2) Tulu it oqaasiinik kiisalu tuluttut naqitanik naqitaanngitsunillu oqaasilerisinnaalernissamut naliliisinnaalernissamullu.
- 3) Nunarsuarmi tulu it oqaasiinik atuiffiusuni piorsarsimassutsimut inuiaqatigiillu inuunerannut tunngasunik ilisimasaqalernissamut.
- 4) Atuartitsissutip ikiuutaanik, suleriaasiinik atuartitsissutigeriarnissaannilu eqqarsaatigilluagassartaannik pigiliussilluarnissamut.

§ 17. Kisitsineq/matematikkimik atuartitsissummi siunertarineqarpoq ilinniartut ilinniarnepup ingerlanerani meeqqat atuarfianni pinngitsoorani peqataaffigissassami atuartitsinissamut pikkorissarnissaat:

- 1) Atuartitsissutip tunngaviusumik taamaattuusorisaaernerik (teorier), suussusiinik suleriaasiinillu

paasisimasaqalernikkut.

2) Matematikkimik ilinniarnermi isummanik assigiinngitsunik matematikkimillu ilisimasassanik pigiliussinissaq pillugu isummanik ilisimasaqalernikkut.

3) Atuartitsissutip imaasa, suleriaatsit suussutsillu matematikkimut tunngasut tapersersoqatigiittarnerannik nalilersuilluarsinnaalernikkut.

4) Atuartitsissutip atuartitsissutiginnissaanut atortussanik tamakkulu atorlugit atuartitsinermi periaatsinik ilisimasaqalernikkut.

**§ 18.** Ilusilersuineramik atuartitsissummi siunertarineqarpoq ilinniartut, ilinniarnep ingerlanerani pinngitsoorani peqataaffigisassami meeqqat atuarfianni atuartitsinissaq siunertaralugu, aamma atuartitsissutip atuarfimmi suliat nalinginnaasut suliarineqarneranni atornissaa eqqarsaatigalugit, makkuninnga ilikkartinnissaat:

1) Ilinniagassat assigiinngitsut pillugit tunngaviusumik ilisimasassanik.

2) Atuartitsinissamut pilersaarusiornermik, atuartitsinermik ingerlatsinermik nalilersuinermillu.

3) Marlunnik pingasunillu sammivilinnik ilusilersuisinnaanermik aammalu ilusilersuineramik piginnaasarilikkat oqaatiginiakkatut nalunaarutitullu atorneqarsinnaanerannik.

4) Atuartitsissutip atuarfimmi perorsaanermut tunngatillugu periarfissaanik.

**§ 19.** Illumi suliassanik atuartitsissummi siunertarineqarpoq ilinniartut makkuninnga ilikkartinnissaat:

1) Atuartitsinissamut pilersaarusiornermik, atuartitsinermik ingerlatsinermik nalilersuinermillu.

2) Atuartitsissutip sammisassartaasa iluanni suliassanik suliarinnissinnaanermik tunngavissaasutigullu ilisimasassanik.

3) Nerisassat inuussutissaqarluartut eqqiluisaarluarnerullu pingaassusiinik paasinninnermik.

4) Atuartitsissutip perorsaanermut tunngasutigut periarfissaanik.

**§ 20.** Assassornermik/ammerinermik atuartitsissummi siunertarineqarpoq ilinniartut makkuninnga ilikkartinnissaat:

1) Suliassanik suliarinnissinnaalernermik aamma ilinniagassat assigiinngitsut pillugit tunngaviusumik ilisimasassanik.

2) Atuartitsinissamut pilersaarusiornermik, atuartitsinermik ingerlatsinermik nalilersuinermillu.

3) Atuartitsissutip perorsaanermut tunngasutigut periarfissaanik.

**§ 21.** Timersornermik atuartitsissummi siunertarineqarpoq ilinniartut makkuninnga ilikkartinnissaat:

1) Atuartut timikkut, anersaakkut inooqataassutsikkullu ineriartornissaat pingaartillugu suliniutinik suliarinnissinnaalernermik aamma tunngavissaasutigut ilisimasassanik.

2) Atuartitsissutip perorsaataasinnaaneranik atuartitsissummilu suleriaasissanik kiisalu timersornermik atuartitsissutip atuartitsissutiginnissaanut pilersaarusiornermik, atuartitsinermik ingerlatsinermik nalilersuinermillu.

3) Atuartitsissutip atuarfimmi inuiaqatigiinnilu sulissutigeqqinnissaanut soqutiginninnermik kajumissuseqarnissamillu, tamakkulu aqutugalugit atuartunik timersornermut soqutiginnittuaannartunngortitsiniarnissamik.

**§ 22.** Erinarsornermik/nipilersornermik atuartitsissummi siunertarineqarpoq ilinniartut erinarsorneq

nipilersuutinillu atuineq aqquqigalugit makkuninnga ilikkarnissaat:

- 1) Nipilersornermut tunngasutigut paasisimasassanik.
- 2) Tunngavissaasutigut teknikimullu tunngasutigut ilisimasassanik.
- 3) Atuartitsissutip atuartitsissutiginerani periaasissanik.

**§ 23.** Qisunnik sananermik atuartitsissummi siunertarineqarpoq ilinniartut makkuninnga ilikkarnissaat:

- 1) Assassorluni sulinermi suleriaatsinik, aamma misilittagaqalernissaat kiisalu nutaanik pilersitsisinnaanerminnik sananermullu pisinnaassutsiminnik ineriartortitsisinnaanermik.
- 2) Suleriaatsitigut ilinniartitsinermilu ilisimasassanik.
- 3) Assassorluni sulinermik nuannarisaqarnermik.
- 4) Nammineersinnaanermik misileraasarnikkullu paasiniaasarnermik.

#### Atuartitsissutit annerusumik sammisassat

**§ 24.** Kalaallit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnermut tunngasutigut suliaqarsinnaalernissaat.
- 2) Kalaallit oqaasii atorlugit suliaqarsinnaalernissaat.
- 3) Sulinermi kalaallisut atuakkianik atuisinnaalernissaat..
- 4) Allanit ikiorneqarnatik oqalullutik allallutillu oqaatiginiakkaminnik oqaatiginnilluarsinnaalernissaat.
- 5) Inuit oqaasiinik atuakkiaannillu ilisimasaqalersinnissaat.
- 6) Atuartitsissutip atuartitsissutiginerani periaasissanik paasisimasaqalernissaat, tamatumunnga ilanngullugu allamiut oqaasiinik ilisimasaqalernissaat, taamaalillutik atuartitsissummik atuartitsisinnaaleqqullugit ilinniarnep ingerlanera tamakkerlugu.

**§ 25.** Danskit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnerit assigiinngitsut ilusaannik namminneerlutik suliarinnissinnaalerlutillu nalilersuisinnaalernissaat.
- 2) Atuartitsissutip kultureqarnermut inooqatigiinnermullu tunngasut ataqatigiinneranni inissisimaneramik paasinninnissaat.
- 3) Allanit ikiorneqarnatik oqalullutik allallutillu oqaatiginiakkaminnik oqaatiginnilluarsinnaalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut atuartitsissummik atuartitsisinnaaleqqullugit ilinniarnep ingerlanera tamakkerlugu.

**§ 26.** Tuluit oqaasiinik atuartitsissummi siunertarineqarpoq ilinniartut:

- 1) Sammisassat assigiinngitsut iluanni atassuteqaqatigiittarnerit assigiinngitsut ilusiinik namminneerlutik paasiniaaqqissaarsinnaalerlutillu nalilersuisinnaalernissaat.
- 2) Oqalullutik allallutillu oqaatiginiakkaminnik oqaatiginnilluarsinnaalernissaat.
- 3) Tuluttut oqaluttartut kulturianni pingaarutilinnut assigiinngitsunut ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik atuartitsisinnaaleqqullugit meeqqat atuarfianni klassini tamani.

**§ 27.** Kisitsinermik/matematikkimik atuartitsissummi siunertarineqarpoq ilinniartut:



- 1) Matematikkimut tunngasutigut ilisimasariaqartunik pingaarnernik aamma matematikkip perorsaanermt/ilinniartitsinermt tunngasortaanik ima annertutigisumik paasisimasaqalernissaat, ilisimasariaqartut tamakku imminnut tapersersoqatigiilersillugit imminnullu paasinarsaaqatigiilersillugit. Sammisassanik suleriaasissanillu qinersineq tunngaveqartinneqassaaq meeqqat atuarfianni atuartitsissummik taassuminnga atuartitsinermt atuartitsissutillu taassuma oqallisigineqartarneranik.
- 2) Atuartitsissutip aaqqissuussaanageranik eqqarsarsinnaassutsimillu atuinissamik ilisimasaqalersinnissaat.
- 3) Matematikkimik paasisimasaqalernissamut matematikkimillu paasinnittarnermik assigiinngitsunik ilisimasaqalernissaat, tamatumunnga ilanngullugu matematikkimi paasisimasariallit imaasa suliarineqartarnerisalu tapersersoqatigiittarnerat pillugu apeqqutinik nammin-neerlutik paasiniaaqqissaarsinnaalernissaat isummerfiginnittarsinnaalernissaallu.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut regningimik/matematikimik atuartitsisinnaaleqqullugit ilinniarnepur ingerlanerani tamarmi.

**§ 28.** Fysik/kemimik atuartitsissummi siunertarineqarpoq ilinniartut:

- 1) Sammineqarsinnaasunik immikkut toqqakkanik, inuiaqatigiinnermt ullutsinni pingaaruteqartunik paasisimasaqalernissaat.
- 2) Fysikimi kemimilu tunngaviusumik isummiussanik, paasisimasarialinnik suleriaatsinillu paasisimasaqalernissaat.
- 3) Misileraalluni sulisinnaanngornissaat sulianillu nalilersuisinnaanngornissaat, kiisalu tamakkuninnga suliaqarnermi isumannaallisaanermt avatangiisinullu tunngasutigut ajornartorsiutaasartunik ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnepur ingerlanerani tamarmi.

**§ 29.** Nunalerutimik atuartitsissummi siunertarineqarpoq ilinniartut:

- 1) Nunap sananeqaataanut tunngasunik ilisimasaqalernissaat kiisalu ilinniagassanik nunanut aamma inuit taakkualu suliarisartagaannut tunngasunik, inuit nunarsuup ilaani assigiinngitsuniittut atugarisaannik paasiniaalluarnersalernissamut tunngavissaqalersitsisussanik, nunat assigiinngitsut atassuteqatigiittarnerannut kiisalu pisuussutit, nioqqutissiornerup avatangiisillu nunani ataasiakkaani nunanilu assigiinngitsorpassuarni imminnut ataqatigiinnerannut tunngasunik paasisimasaqalernissaat.
- 2) Atuartitsissutip qangaaniilli nunanik allanik ilisimasaqalissutissatut inuiaqatigiillu akornanni paaseqatigiissutaalissutissatut atortuuneranik nalinginnaasumillu ilisimasaqalissutaasinnaanageranik paasisimasaqalernissaat.
- 3) Atuartitsissummi najoqqutassaqarfinnik sanileriissitsisarnikkut avatangiisinillu inunnit pilersitaanngitsunik aamma kulturip pilersitaanik misissuisarnikkut paasiniaalluarsinnaalernissaat nunanik assigiinngitsunik tamakkunanilu ajornartorsiutaalersartunik.
- 4) Atuartitsissutip atuartitsissutiginerani periaasissanik paasisimasaqalernissaat.

**§ 30.** Uumassusilerinermt atuartitsissummi siunertarineqarpoq ilinniartut:

- 1) Sammineqarsinnaasunik immikkut toqqakkanik ullumikkut pingaaruteqartunik paasisimasaqalernissaat.
- 2) Uumassusilerinermt isummiussanik, paasisimasarialinnik suleriaatsinillu paasisimasaqalernissaat.

3) Misileraalluni sulisinnaangornissaat sulianillu nalilersuisinnaangornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaalersartunik ilisimasaqalernissaat.

4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisnaaleqqullugit ilinniarnep ingerlanerani ta-marmi.

**§ 31.** Oqaluttuarisaanermik atuartitsissummi siunertarineqarpoq ilinniartut:

1) Oqaluttuarisaanermik atuartitsissutillu taassuma immikkut issusianik ilisimasaqalerlutillu paasisaqarnissaat atuartitsissutillu atuartitsissutiginerani suleriaatsinik paasisimasaqalernissaat.

2) Ukiut ullullu, inuiaat nunallu assigiinngitsut, inuiaqatigiinni pissutsit kulturimullu tunngasut pillugit assigiinngitsunik arlalinnik Kalaallit Nunaanni pissutsit pingaarnertullugit suliaqartarnikkut ilisimasaqalerlutik paasinninnissaat.

3) Oqaluttuarisaanermi allaaserineqartut pillugit apersuilluarsinnaalernissaat tunngaveqartumillu akissutinik isumasisinnaalernissaat.

4) Atuartitsissutip atuartitsissutiginerani periaasissanik paasisimasaqalernissaat.

**§ 32.** Atuartitsissummi inuiaqatigiilerinermi siunertarineqarpoq ilinniartut:

1) Inuiaqatigiinni kalaallini inuiaqatigiinnilu allani inooqatigiinnermut, aningaasarsiornermut naalackersuinermullu tunngasunik paasisimasaqalernissaat kiisalu paasiniaasarnissaat ta-makkununga tunuliaqutaasunik.

2) Ilisimasaqalernissaat inuiaqatigiinni pissutsinik, tamakkununga ilanngullugit nunatsinni nunanilu allani naalackersuinikkut periaatsinik aqqissuussaanerillu, taamaalillutik soqutigisat isummallu tunuliaqutaasut tunngavigalugit inuiaqatigiinni oqallinnermik paasiniaaqqissaarsinnaaleqqullugit nalilersuisarsinnaaleqqullugillu.

3) Sammisamut ilisimatuutut isummiussinikkut ajornartorsiutaalersartunut aalajangersimasumik ilisimatuutut isummiussanik tunngavissaqalernissaat.

4) Atuartitsissutip atuartitsissutiginerani periaasissanik paasisimasaqalernissaat.

**§ 33.** Upperisarsiornermik atuartitsissummi siunertarineqarpoq ilinniartut:

1) Kristumiussutsimik kiisalu upperisarsiornermik inuunermillu paasinneriaatsinik allanik ilinniarnikkut atuartitsissutip kultureqarnermi qangarsuarli isumaasartuni assigiinngitsuni inissisimaneramik paasinninnissaat.

2) Atuartitsissutip periaasiinik atuilluarsinnaalernissaat naliliisinnaallualernissaallu kiisalu ilinniartitsissutiginnissaani eqqarsaatigilluagassanik suliaqarluarsinnaalernissaat.

3) Atuartitsissutip perorsaanikkut periarfissarisaaanik atugassarisaanillu paasinninnissaat, taa-maalillutik ilinniartut kristumiussutsimut tunngasuni ilisimasassanik atuartitsisnaaleqqullugit ilinniarnep ingerlanerani tamarmi.

Atuartitsissutit neqeroorutigineqarsinnaasut

**§ 34.** Atuartitsissutinik neqeroorutigineqarsinnaasunik ilinniartitsinermi siunertarineqarpoq sammisassani immikkut ittuni itisilerisinnaalersitsinissaq, ilaatigullu atuartitsissutinik atuartitsissutigisaviit avataanniittunik suliaqarsinnaanissaq.

Imm. 2. Atuartitsissummik neqeroorutigineqarsinnaasumik atuartitsilersinnani atuartitsissummi siunertarisassat imassallu nassuiarneqaaqassapput.

#### Suliffimmik misiliineq

§ 35. Atuartitsinermik misiliinerup siunertaraa ilinniartut:

- 1) Ilinniartitsisup suliarisartagaanik tamanik paasisimasaqalernissaat, taamaalillutik atuartut, angajoqqaat atuarfimmilu sulisut allat peqatigalugit Kalaallit Nunaanni meeqqat atuarfiini tamani atuartitsinermik assigiinngisitaartumik ingerlatsisinnaaleqqullugit.
- 2) Ilinniartitsisup suliassaanik ullut tamaasa nalliuttartunik allanngorartartunillu alaatsinaassinnaanermik, paasiniaaqqissaartarnermik paasisaminnillu isummerfiginnittarnissamut sungiusarneqarnissaat.
- 3) Pissusiviusut tunngavigalugit atuartitsinermik taamatullu ilinniartitsisup suliassaanik allanik aaqqissuussisinnaalerlutillu, ingerlatsisinnaalerlutillu nalilersuisinnaalernissaat kisimiillutik aammalu allanik suleqateqarlutik.

### Kapitali 4.

#### Ilinniarnermi misilitsinnerit

##### Ilinniarnermi misilitsinnerit siunertaat

§ 36. Ilinniarnermi misilitsinnerit siunertaraat paasiniassallugu ilinniartup pikkoriffigisai meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni, nalunaarummi uani aamma ilinniarnerup aaqqissuunnerani il.il. aalajangersakkanut naapertuunnersut. Misilitsinneri angusineq tunngaviliisuusaaq inaarummik soraarummeernerup allagartaata suliarineqarnissaanut.

Ilinniarfimmeersumik avataaneersumillu naliliiffigineqartunik misilitsinnerit nassuiagaanerat

§ 37. Misilitsinnerit ilinniarfimmeersumik avataaneersumillu naliliiffigineqartarput.

Imm. 2. Ilinniarfimmeersumik nalileeateqarnerit tassaapput misilitsinnerit nalilerneqartut soraarummeersitsisumit ataatsimit imaluunniit soraarummeersitsisunit arlalinnit.

Imm. 3. Avataaneersumik nalileeateqarnerit tassaapput misilitsinnerit nalilerneqartut soraarummeersitsisumit imaluunniit soraarummeersitsisunit aamma nalileeataasartumit ataatsimit arlalinnilluunniit Ilinniartitaanermut Pisortaqarfimmiit toqqagaasunit.

Allattariarsorluni soraarummeernerit avataaniit nalileeataaffigineqartartut

§ 38. Allattariarsorluni misilitsissutissat avataaniit nalileeataaffigineqartartut Ilinniartitaanermut Pisortaqarfimmit suliarineqartassapput.

Imm. 2. Misilitsinnerit soraarummeertunut tamanut assigiissapput.

Imm. 3. Soraarummeerutissatut siunnersuutit, tamakkununga ilanngullugit ikiuutissatut akuerisassat, soraarummeerutissalioratoqatigiinnit suliarineqartassapput. Soraarummeerutissalioratoqatigiit tamarmik Ilinniartitaanermut Pisorta qarfirmiit tamakkuninnga suliaqartussanngortinneqartassapput ukiut pingasukkuutaarlugit.

Imm. 4. Misilitsinnerni nakkutilliisoqartassaaq.

Imm. 5. Ilinniarnep ingerlanera naammassippat ilinniartup akissutimi imminut tunniunneqarnissaat piumasarisinnaavaa.

### Oqaluttariarsorluni misilitsinnerit avataaniit nalilee qataaffigineqartartut

**§ 39.** Soraarummeersitsinnermi apersuineq ingerlanneqassaaq ilinniartitsisumit imaluunniit ilinniartitsisunit atuartitsissummi atuartitsisuusimasumit/atuartitsisuusimasunit. Apersuineq sapinngisamik soraarummeersitsisumik soraarummeertumillu oqaloqatigiissitsiniarnerussaaq nalilee qataasussap peqataaffigisinnaasaanik. Allaatigisat ilinniartup atuartitsissummik soraarummeerutissamik suliaqartarsimaneranut uppersarsaataasunut amerlanerulissutaasinnaasut soraarummeertumut apersuinnermi ilanngunneqarsinnaapput.

Imm. 2. Soraarummeernermi apeqqutit soraarummeertunut makitsissutigittinneqartassapput. Ilinniagaqartup misilitsinnginnermini toqqarsimasaa allagarlu pingaarnersiugaq ilinniartitsisumit akuerineqarsimasooq aallavigalugu apeqquteqartoqarsinnaavoq. Soraarummeertussat allaatigisimasasaa arlaat sammineqassappat taanna aammattaaq apersuinnermut tunngaviussaaq.

Imm. 3. Nalilee qataasooq soraarummeerner milu soraarummeersitsisooq karakteriliinissami kisimiissapput. Soraarummeertoq karakteriliinerup kingornagut karakteriliunneqartumut pissutaasumik naatumik oqaatsit atorlugit ilisimatinneqarsinnaavoq.

Imm. 4. Ilinniartooq piareersarfissaqartitaappat, piareersarnera nakkutigineqassaaq.

Imm. 5. Oqaluttarissanik misilitsinnerit tamanut ammapput.

### Misilitsinnerit naliliinerillu

**§ 40.** Atuartitsissutit §§ 9-14 naapertorlugit pinngitsoorani ilinniartariaqartut misilitsinnerit naliliinerillu makku imaraat:

- 1) Atuartitsissutit perorsaanermut/atuartitsinnermut tunngasut: Semesterit arfineq aappasat naggaserneqassaaq oqaluttariarsorluni avataaneersumik nalilee qataaffigineqartumik misilitsinnermik, aallaaveqartumik allalugu nalunaarusiamik. Oqaluttarinninneq allaaseralugulu nalunaarusiaq ataatsimut nalilerneqassapput, ataatsimullu karakteriliisoqassalluni. Ukiut ilinniarfiusut naggataanni oqaluttariarsornermik avataaneersumik naliliiffigineqartumik misiliisoqassaaq, aallaaveqartumik perorsaanermut tunngasumik immikkut sammisamik, ataatsimullu karakteriliisoqassalluni.
- 2) Kalaallit oqaasiinik atuartitsissut ataatsimoorussasaaq: Atuartitsissut naggataarneqassaaq oqaluttariarsorluni avataaneersumik nalilee qataaffigineqartumik misilitsinnermik aamma allattariarsorluni avataaneersumik nalilee qataaffigineqartumik misilitsinnermik. Misilitsinnerit tamarmik assigiimmik oqimaalutarneqartassapput, ataatsimullu karakteriliisoqassalluni.

- 3) Atuartitsissut pinngortitalerinnermut tunngasoq: Atuartitsissutip inaarneqarnerani nalilerneqassaaq "angusivoq" imaluunniit "angusinngilaq" atorlugit, ilinniartup suliai aamma atuartitsissummik ilinniartitsinermi periaatsinik iliuuserisartakkanillu paasisimasai tunngavigalugit naliliisoqarluni.
- 4) Atuartitsissut paasissutissiiviusoq: Atuartitsissutip inaarneqarnerani angusimasanut karakteriliisoqassaaq ilinniartup suliai, ilisimaqqaagassanik ilisimasai aamma atuartitsissummik ilinniartitsinermi periaatsinik iliuuserisartakkanillu paasisimasai kiisalu suliassanut ataasiakkaanut naliliinera tunngavigalugit.
- 5) Kristumiussuseq: Atuartitsissutip inaarneqarnerani nalilerneqartassaaq "akuerineqarpoq" imaluunniit "akuerineqanngilaq" atorlugit. Naliliineq ilinniartup eqqarsaatikkuinnaq ilisimasaanik kiisalu suliassanut ataasiakkaanut naliliinera tunngavigalugu pisassaaq.
- 6) Mernguernartut I: Atuartitsissutip inaarneqarnerani misilitsinneq nalilerneqassaaq "angusivoq" imaluunniit "angusinngilaq" atorlugit. Naliliineq ilinniartup kisimiilluni suleriaatsinik atorluaanerani ataatsimoorussaqaarnermilu peqataassuseqaarneranik tunngavilimmik ingerlanneqartassaaq.

Imm. 2. Ilinniartitaanermut Pisortaqaarfik immikkut pisoqartillugu imaluunniit ilinniartitaanerup ineriartortinneqarneranut ilassutitut imm. 1-imi aalajangersakkanit immikkut akuersissuteqarsinnaavoq.

**§ 41.** Atuartitsissutit §§ 15-23 naapertorlugit qinigassat misilitsinnerit naliliinerillu makku imaraat:

- 1) Danskit oqaasii aamma kisitsineq/matematik: Atuartitsissutit tamarmik naggaserneqassapput avataaneersumik nalileeataaffigineqartumik misilitsinnermik. Misilitsinneq oqaluttariarsornerullunilu allattariarsorneruvoq, nalilerneqassallunilu ataatsimut karakterimik.
- 2) Tuluq oqaasii: Atuartitsissut taanna naggaserneqassaaq avataaneersumik nalileeataaffigineqartumik misilitsinnermik ataatsimik marlunnilluunniit, atuartitsissullu tamatigut oqaluttariarsornermik naggaserneqartussanngorlugu aaqqissuunneqartassalluni.
- 3) Ilusilersuineq aamma assasorneq/ammerineq: Atuartitsissutit tamarmik naggataarnerini angusimasanut karakteriliisoqassaaq ilinniartup suliaanik, ilisimaqqaagassanik ilisimasaanik aamma atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.
- 4) Timersorneq, erinarsorneq/nipilersorneq qisunnillu sananeq: Atuartitsissutit tamarmik naggataarnerini angusimasanut karakteriliisoqassaaq ilinniartup pikkorissusianik, ilisimaqqaagassanik ilisimasaanik aamma atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.
- 5) Illumi suliaat: Atuartitsissutip naggataarnerani angusimasanut karakteriliisoqassaaq ilin-niartup nalunaarusiaanik, pikkorissusianik aammalu atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

Imm. 2. Ilinniartitaanermut Pisortaqaarfik immikkut pisoqartillugu imaluunniit ilinniartitaanerup ineriartortinneqarneranut ilassutitut imm. 1-imi aalajangersakkanit immikkut akuersissuteqarsinnaavoq.

**§ 42.** Atuartitsissutit §§ 24-33 naapertorlugit annerusumik sammisassat misilitsinnerit naliliinerillu makku imaraat:

- 1) Kalaallit, danskit tuluillu oqaasii aamma kisitsineq/matematik: Atuartitsissutit tamarmik naggaserneqassapput avataaneersumik nalileeataaffigineqartumik misilitsinnermik. Misilitsinneq oqaluttariarsornerullunilu allattariarsorneruvoq, nalilerneqassallunilu ataatsimut karakterimik. Oqaluttariarsornermi misilitsissutaassapput apeqqutit, ilaatigut sammisamiittut ilaatigullu allaaseralugu nalunaarusiamiittut.

2) Fysik/kemii: Atuartitsissut naggaserneqassaaq fysikimi avataaneersumik nalileeataaffigineqartumik oqaluttariarsorluni misilitsinnermik aamma kemiimi avataaneersumik nalileeataaffigineqartumik oqaluttariarsorluni misilitsinnermik. Misilitsinnerit assigiimmik oqimaalutarneqassapput nalilerneqassallutillu ataatsimut karakterimik.

3) Nunalerutit, uumassusilerineq, oqaluttuarisaaneq, inuiaqatigiilerineq upperisarsiornerlu: Atuartitsissutit tamarmik naggaserneqassapput avataaneersumik nalileeataaffigineqartumik oqaluttariarsorluni misilitsinnermik. Misilitsissutaassapput apeqquutit, ilaatigut sammisamiittut ilaatigullu allaaseralugu nalunaarusiamiittut.

Imm. 2. Ilinniartitaanermut Pisortaqaarfik immikkut pisoqartillugu imaluunniit ilinniartitaanerp ineriartortinneqarneranut ilassutitut imm. 1-imi aalajangersakkanit immikkut akuersissuteqarsinnaavoq.

§ 43. Ilinniartup tapiutitut pikkorissarnermi atuartitsissummilu neqeroorutigineqarsinnaasumi peqataanera nalilerneqassaaq "akuerineqarpoq" imaluunniit "akuerineqanngilaq" atorlugit.

§ 44. Piffissat suliamik misiliiviusut tamarmik ilinniartup nalilerneqarneranik naggaserneqartassapput. Naliliineq suliffimmik misiliiffimmit Ilinniarfissuarmut tunniunneqartassaaq. Piffissanik suliffimmik misiliiffiusunit ataasiakkaanit suliffimmik misiliivimmit naliliineq tunuliaqutaralugu rektori ataatsimut "angusivoq" imaluunniit "angusinngilaq" atorlugu naliliisassaaq.

Ilinniarnermi misilitsinnerni peqataajumanermik nalunaarneq piumasarineqartullu

§ 45. Ilinniarnermi pinngitsoorani ingerlassimasassami nalunaarneq pisarpoq ilinniarnissamut tiguneqarsimaneq tunngavigalugu.

Imm. 2. Atuartitsissutini toqqagassani, atuartitsissutini annerusumik sammisassani aamma atuartitsissutini neqeroorutigineqarsinnaasumi nalunaarneq pisarpoq atuartitsissutitut taakkununga tiguneqarsimaneq tunngavigalugu.

§ 46. Ilinniakkanik aallussineq nalunaarsorneqassaaq atuartitsinermi aamma suliamik tunniussaqaarnermi peqataanertut, rektorimillu akuerineqaaqassalluni ilinniartoq atuartitsissutini ataasiakkaani misilitsinnerni peqataasinnaalertinnagu.

Misilitseqqinniarneq

§ 47. Ilinniartoq atuartitsissutini 6 inorlugu karaktereqarfigisamini misilitseqqinniartarsinnaavoq.

Imm. 2. Ilinniartoq atuartitsissummi taannaasumi marloriaannarluni misilitseqqinniartarsinnaavoq.

Imm. 3. Misilitseqqinniarnerp ilinniartoq pisinnaatissavaa atuartitsissummi misilitsinnissami tullermi peqataanissaanut. Semesterit qulingiluuaanni naggataarutaasumik misilitsinnissami misilitseqqinniarnerp ilinniartoq pisinnaatissavaa ukiumi tassani augustimi misilitsinnissami peqataanissaanut.

Imm. 4. Ilinniartoq atuartitsissummi taannaasumi ataasiaannarani naggataarutaasumik misilitsissimappat karakteri angusaasoq annerpaaq atortuussaaq.

Imm. 5. Ilinniartup suliffimmik misiliinermini angusinngitsoortut naliliivigineqartup ilinniarnerp

ingerlanera tamaat piffissaq suliffimmik misiliffiusoq ataasiaannarluni uteqqissinnaavaa.

Imm. 6. Ilinniartitaanermut Pisortaqarfik immikkut pisoqartillugu imm. 1-2-mi aammalu imm. 5-imi aalajangersakkanit immikkut akuersissuteqarsinnaavoq.

**§ 48.** Ilinniartunut nappaammik imaluunniit taamatut atuanginnermik uppersaateqartumik imaluunniit nakorsamit allagarserneqartumik pissuteqarlutik misilitsissimangitsunut immikkut ittumik misiliisoqartassaaq, tamanna Ilinniartitaanermut Pisortaqarfiup aalajangersimappagu, taamaattorli misiliineq taanna atuartitsissummi tassani tullianik misiliisoqalerpat kingusinnerpaamik pisussanngorlugu.

**§ 49.** Ilinniartuq misilitsinnissamut takkutinnigppat, peqataanginnissanilu ilisimatitsissutigisimangippagu misilitsinneq angusiffiunngitsutut isigineqassaaq, aamma tak. § 48.

#### Soraarummeerutissat soraarummeernermilu apeqqutit

**§ 50.** Soraarummeerutissaq tassaavoq soraarummeerut ilinniartut atuartitsissutini ataasiakkaani misilitsinneranni apersuinissamut tunngaviusussaaq. Soraarummeerutissaq ilinniartitsisup imaluunniit ilinniartitsisut atuartitsissummik soraarummeerutissamik atuartitsisimasup/atuartitsisimasut ilinniartuq oqaloqatigeqqaarlugu toqqassavaa/toqqassavaat.

Imm. 2. Soraarummeernermi apeqqutissat tassaapput apeqqutit apersuinnermut tunngavigisassat. Soraarummeernermi apeqqutissat suliarineqassapput ilinniartitsisumit imaluunniit ilinniartitsisunit atuartitsissummik soraarummeerutissamik atuartitsisimasumit/atuartitsisimasunit.

Imm. 3. Soraarummeernermi soraarummeertussap allattariarsorluni suliaasa ilaannik apersuisoqassappat, allaaseralugu suliaq taanna apersuinnermi aamma tunngavigineqassaaq.

**§ 51.** Soraarummeerutissaq soraarummeernermilu apeqqutissat nalileeqaatasussamut akueritinniarlugit saqqummiunneqassapput kingusinnerpaamik misilitsinnissat/misilitsinnissaq sap. ak. sisamanik sioqqullugu.

Imm. 2. Soraarummeerutissanut apeqqutissanullu oqaaseqaatit nassiunneqassapput taakku tignerinit ullut arfineq-marluk qaanngiutsinnagit. Ullut taakku naaneranni Ilinniarfissuaq oqaaseqaatinik tigusaqarsimangippat soraarummeerutissat soraarummeernermilu apeqqutissat nalileeqaatasussamit akuerineqarsimasutut isigineqassapput.

Imm. 3. Soraarummeertussap suliaa apersuinissamut tunngaviusussaappat, tak. § 50, imm. 3, taanna misissoqqullugu nalileeqaatasussamut nassiunneqassaaq kingusinnerpaamik misilitsinnissaq sap. ak. sisamanik sioqqullugu.

#### Nalileeqaatasartussat

**§ 52.** Nalileeqaatasussat Ilinniartitaanermut Pisortaqarfimmit toqqarneqassapput. Nalileeqaatasartussat peqataasassapput atuartitsissutini tamani, avataaneersumik nalileeqaataaffigineqartumik misilitsiffigineqartuni.

**§ 53.** Nalileeqaatasartut nakkutigissavaat

- 1) ilinniarnermi misilitsinnerni, aamma allattariarsorluni suliani, piumasarisat siunertanut peqqussummi, nalunaarutini aamma ilinniarnep aqqissuunnerani aalajangerneqartunut naapertuunnersut,
- 2) misilitsinnerit malittarisassat atuuttut naapertorlugit ingerlanneqartarnissaat aamma
- 3) ilinniartut assigiiaartumik eqqortumillu pineqarnissaat, aamma suliaasa tutsuiginartumik nalilerneqarnissaat karakteriliisarneq kiisalu allatut naliliisarneq pillugit nalunaarut naapertorlugu.

### Misilitsinnerni pissusissaanngitsunik iliornerit

§ 54. Rektori ilinniarnermi misilitsinnerit tamakku pillugit maleruagassat aalajangersarneqartut naapertorlugit ingerlanneqarnissaannut akisussaavoq.

Imm. 2. Misilitsinnerit ingerlanneqarneranni pissusissaanngitsumik iliornerit erniinnarluinnaq Ilinniartitaanermut Pisortaqarfimmut nalunaarutigineqartassapput.

Imm. 3. Ilinniartitaanermut Pisortaqarfik Ilinniarfissuarmi misilitsittarnerit ingerlanneqartarnerat pillugu malittarisassiorsinnaavoq.

§ 55. Ilinniartitaanermut rektorip misilitsittoq misilitsinnermit peeqqusinnaavaa:

- 1) Soraarummeertoq taamaalioqqusaanani allanit ikiorneqarsimappat, iluaqusersuutinik akuerisaanngitsunik atuisimappat imaluunniit allap suliaa nammineq suliarinerarpagu.
- 2) Soraarummeertoq taamaalioqqusaanani misilitsinnermi allanik ikiuisimappat imaluunniit ikiuiniaraluarsimappat.

Imm. 2. Soraarummeertoq misilitsinnermit peersinneqarpat unioqqutitsinerup annertussusia eqqarsaatigalugu rektorip pineqartoq ilinniarnernit peersissinnaavaa.

## Kapitali 5.

### Angusissagaanni tunngavissat

§ 56. Ilinniartitsisutu angusisinnaanermut piumasarineqarput:

- 1) karakterit tamarmik katinnerat karakterit amerlassusiisa 6-imik amerlisarneqarlutik inernerattut angissuseqassasoq imaluunniit annerussasoq,
- 2) atuartitsissutini annerusumik sammisani aammalu atuartitsissutini perorsaaneermut tunngasuni kiisalu immikkut sammisani soraarummeernermi karakteri minnerpaamik 6-iussasoq,
- 3) atuartitsissutini allani tamani karakteri minnerpaamik 5-iussasoq, taamaattorli atuartitsissummi ataatsimi karakterigineqarsinnaavoq 03, aamma
- 4) atuartitsissut "akuerineqarpoq"-mik imaluunniit "akuerineqanngilaq"-mik nalinerneqartoq angusineruvoq.

Imm. 2. Atuartitsissutini neqeroorutaasuni karakterit, takuuk § 43, imm. 1-imi pineqanngillat.

## Kapitali 6.

Allattuiffiit aamma inaarutaasumik soraarummeernerup allagartaa



§ 57. Rektori allattaavissuarnik allattuisassaaq, tassungalu ilinniartut tamarmik allattorneqarfeqassapput. Allattorneqarfimmut allanneqartassapput ilinniartitsisunngorniartuq pillugu inummut paasissutissat, atuartitsissutiniq toqqartuisimanagera, uppersarsarlugit atsiukkat, peqataasinnaajunnaarsitsinerit nalunaarullu manna tunngavigalugu allaasunik iliuuseqarnerit, suliffimmik misiliinerni, atuartitsissutini pinngortitalerinnermut tunngasuni aamma mernguernerit 1-imi naliliinerit, kiisalu misilitsinnermi angusarisimasallu pillugit karakterit.

Imm. 2. Ilinniartitaanermut Pisortaqarfik allattuiffiit qanoq iluseqarnissaannut aalajangersaasinnaavoq.

§ 58. Ilinniartitsisunngorniartut ilinniartitsisutut soraarummeernermit angusisimasut tamatumunnga uppersarsaammik tunineqassapput. Uppersarsaat inummut ataatsimut tunngasunik oqaasertaqarpoq aammalu tamanut tunngasunik assigiinnik oqaasertaqarluni.

Imm. 2. Inummut ataatsimut tunngasunik oqaasertatigut ilisimatitsissutigineqassapput

- 1) ilinniartitsisunngorniartuq pillugu inummut paasissutissat aamma ulloq ilinniarnep naammassiffia,
- 2) suliffimmik misiliinermi nalilerneqarnek,
- 3) atuartitsissutit annerusumik sammisassat aammalu atuartitsissutit toqqagassat suut ilinniartitsisunngorniartup sammisimanageri kiisalu atuartitsissutini ataasiakkaani tamani naliliineq § 56 malillugu ilanngullugu naatsorsuutigineqartuq,
- 4) § 7 naapertorlugu atuartitsissutiniq peqataasinnaajunnaarsimasinnaaneq,
- 5) tapertaasumik pikkorissarnerni peqataaneq, ilinniartitsisunngorniartuq nalilerneqarsimappat "akuerineqarpoq"-mik, nal. akunneri atuartitsiviusut qassiuneri nalunaarlugit, aamma
- 6) atuartitsissutini neqeroorutigineqarsinnaasuni peqataaneq, ilinniartitsisunngorniartuq nalilerneqarsimappat "akuerineqarpoq"-mik, nal. akunneri atuartitsiviusut qassiuneri nalunaarlugit.

Imm. 3. Tamanut tunngasunik oqaasertani allassimassapput nalunaarummi matumani §§-1-imi 5-imi aamma 56-imi oqaasertaliussat.

Imm. 4. Soraarummeersimanermut uppersarsaat rektorimit suliarineqassaaq ilinniartitsisunngorniartup allattorneqarfigisimasaa najoqqutaralugu. Rektoriq uppersarsaat atsiussavaa.

Imm. 5. Ilinniartup ilinniarnini naammassinagu ilinniarnunnaartup qinnuteqarnermigut misilitsinnernut angusiffigisaminut suliamillu misiliinermi angusiffigisaminut kiisalu atuartitsissutiniq angusanik naliliinermik naggaserneqartunut allagartat uppersarsaatit pissarsiarisinnaavai.

Imm. 6. Ilinniartitaanermut Pisortaqarfik inaarutaasumik soraarummeersimanerup allagartaata qanoq isikkoqarnissaa pillugu maleruagassiorsinnaavoq.

## **Kapitali 7.**

Atuutilerfia ikaarsaariarnermilu aalajangersakkat

§ 59. Nalunaarut atuutilerpoq ulloq 24.april 2003. Tamatuma peqatigisaanik atorunnaarput:

- 1) Meeqqat atuarianni ilinniartitsisussat illoqarfiit ilaanni (qitiusup avataani) ilinniartitaanerat pillugu Namminersornerullutik Oqartussat nalunaarutaat nr. 37 28. august 1990-imeersoq,
- 2) Ilinniartitsisussanik ilinniartitsinnermi fagit pillugit Namminersornerullutik Oqartussat nalunaarutaat nr. 38 28. august 1990-imeersoq, kiisalu

3) Ilinniartitsisussanik ilinniartitsineq katersuutsitaq pillugu Namminersornerullutik Oqartussat nalunaarutaanni nr. 19-imi 31. juli 2000-imeersumi kapitali 6.

*Namminersornerullutik Oqartussat, ulloq 24. april 2003.*

Arkalo Abelsen

/

Lise Lennert Olsen